



From
the People of Japan

19 Maiu 2023

Komunikadu Imprensa

“Serimônia Assinatura Lote Daneen Projektu Bolsu Estudu ba Dezenvolvimentu Rekursu Humanu (JDS)”

Durante tinan rua-nulu (20) resin, Japaun apoia ona konstrusaun nasional Timor-Leste iha aspetus oioin hanesan konstrusaun infraestrutur, diversifikasaun indústri, no espansaun servisu sosaia. Dezenvolvimentu rekursu humanu mak área assistênsia ida ne'ebé Japaun atribui importânsia espesial, ho razaun katak rekursu humanu mak baze ba dezenvolvimentu no prosperidade husi nasaun ida. To'o ohin lora, ema atus-rua (200) resin mak hetan ona konvite hodi partisipa iha kursu akademi, no treinamentu iha Japaun, no entre hirak ne'e, na'in atus-ida (100) resin mak hala'o ona estudu iha universidade Japoneza sira ho objetivu atu hetan grau akademiku respetivu.

Iha lora 19 fulan Maiu, 2023, serimônia assinatura ida ba Projektu Bolsu Estudu ba Dezenvolvimentu Rekursu Humanu (JDS) finansia husi Governu Japaun hala'o ona iha Ministeriu Negosiu Estranjeiru no Kooperasaun. Embaixador Japaun ba Timor-Leste, Sr. Tetsuya KIMURA, no Ministra Negosiu Estranjeiru no Kooperasaun, S. E. Sra. Adalji Albertina Xavier Reis Magno, asina ona *Trocas de Notas (E/N)* ida ba projekt, ida ne'e. *Contrato de Concessão (G/A)* ida ba JDS nian mós asina ona entre S. E. Sra. Adalji Albertina Xavier Reis Magno, no Dr. Mimpei ITO, Xefi Representante Eskritóriu Japan International Cooperation Agency (JICA) nian iha Timor-Leste.

Embaixador Japaun ba Timor-Leste, Sr. KIMURA, hateten, “*Ha'u fiar katak programa ida ne'e sei sai oportunidade boot ida ba jovens líderes Timor oan sira, la'os deit atu hetan esperiênsia, maibe mós atu halo ligasaun no harii rede konesaun ho líderes jovens sira husi nasoins Aziáticas ne'ebé mós hala'o estudu iha Japaun. Ida ne'e importante, espesialmente tanba Timor-Leste kontinua ninia esforsu inkansável ba adezaun iha ASEAN, ne'ebé Japaun espresa ona ninia apoiu durante tinan barak ona. Ami sei kontinua apoia Timor-Leste ninia esforsu ba iha harii instituisaun no kapasidade funsiônariu sira to'o rohan ida ne'e.*”

Objetivu husi Projekt JDS nian mak atu apoia jovens funsiônariu governu sira hodi hetan abilidade planeamentu no implementasaun iha eskola pós-graduasaun husi universidade prestijiu Japoneza sira no atu sai líderes kritik, iha país ida-ne'e iha futuru, no atu hametin parseria entre Japaun no Timor-Leste. Desde Projekt JDS (Períodu Dahuluk/ 1^o) hahu iha tinan 2019 iha Timor-Leste, funsiônariu na'in 29 mak hala'o ona estudu ou agora hala'o hela estudu iha Japaun. Entre hirak ne'e, na'in 14 mak konkui ona sira nia mestradu. Tuir Notas ne'ebé asina ohin, funsiônariu na'in 8 sei selezionadu atu halo sira nia estudu hahu tinan oin, iha área hanesan administrasaun pública, sistema juridiku, edukasaun, turizmu, transporte no dezenvolvimentu ambiental.

###REMATA###

Títulu: “Serimônia Assinatura ba Lote Daruak (Períodu Daruak) Projekt Bolsu Estudu ba Dezenvolvimentu Rekursu Humanu (JDS)”

Oras no Data: 19 Maiu 2023 iha tuku 10:00 Dadersan OTL

Fatin: Ministeriu Negosiu Estranjeiru no Kooperasaun

Ba informasaun detallu, favour kontakta:

Embaixada Japaun iha Timor-Leste iha liña terrestres +670 3323131 | 2

Japan International Cooperation Agency (JICA) Timor-Leste iha telemóvel +670 7317 3486 | liña fixu 3312420